

destillentur lento igne in diplomate.

℞. Aq. destill. ꝑ. s.

iulepi rosacei q. s. ad dul. orandum, quo potu sapius & in pastu, & inter pastus uti debet.

Possumus etiam, si febres adsint malignæ, aquas scabiosol. borrag. bugloss. admiscere cum saccharo. Et si aciditas ægro placeat, succi limonum, vel granator. aliquid addere.

Solent aliquando Medici ipsis destillatis in officinis præparatis pro delicatulis rheubarb. infundere, & sic eos purgare. Tempore vero pestis, vel si pestilenti febre laborans instaurante egeat, malo contraria addere oportet, ut sunt radices angelicæ, zedoariæ, pimpinellæ, herbæ scabiosol, meliss. bugloss. borragin. flores cordiales: semina acetosæ, ocymi. Conferuas aquas & pulveres cordiales, additis theriaca & mithridatio, simul, uti dictum fuit, destillari possunt.

### De Emulsionibus.

#### C A P. XXXIX.

**E**Mulsio, quod forte nomē ex eo inuenit, quod affectus demulceat, forma à posterioribus Medicis inuenta. Est autem Medicamentum, quod ex seminibus mundatis, vel fructibus, vel utrisque conficitur. Quo in calidis affectibus renum, vesicæ, ut ardore vrinae, stranguria, vrinae stillicidio: Item renum & vesicæ exulcerationibus utimur: Nonnunquam etiam ad somnum conciliandum, sitim extinguendam. Rarius in pectoris & pulmonum inflammationibus.

N 2

Mate-